



UNIVERSITÄTS-
BIBLIOTHEK
PADERBORN

Universitätsbibliothek Paderborn

Der Hutterischen Widertaufer Taubenkobel

Fischer, Christoph Andreas

Jngolstatt, 1607

Ob vnrecht gut wider zugeben sey?

urn:nbn:de:hbz:466:1-32901

Was die Widertauffer von widerzu-
stellung frembder Güter halten.

Ob vnrecht gut wider zugeben sey?

Nein.

L R ist nicht schuldig solches wider zuer-
statten/ vnd er finde es nirgends im Euange-
lio / daß die Vbelthäter ihr gestolenes Gut
wider erstatten müssen/ weil der H. Paulus nicht sagt/
wer gestolen hat/ der gebe wider/ sondern wer gesto-
len hat/ stele nicht mehr. Paul Glock im 10. Sends-
schreiben an Peter Waalpot gegeben zu Wittling/
den 2. April/anno 1573.

Wann einer inn grosse Schulden ist gerathen /
vnd will sich zu vnser heiligen gemein geben / so soll
er zuvor seine sachen lassen schätzen. Vnd so einem
ein Patzen wirdt an hundert Gulden / so ist derselbe
bezalt / vnd so einem ein Kreuzer wirdt an 10. gulden
so ist derselbe auch bezalt / vnd so einem ein Pfening
wirdt an einem gulden / so ist er auch bezalt / also darff
er nichts an ihn heischen sein lebenslang. Paul Glock
im 12. Sendschreiben an Peter Waalpot gegeben zu
Wittling den 13. Maij anno millesimo quingentesi-
mo septuag. quarto.

Erwet euch ihr Panckrotierer / ihr Schuldner /
ihr Landbetrieger / vnd ihr Diebe / denn jetzt habe
ihr einmal solche Patronen gefunden / die ewere erba-
re stücklein auch gar mit Schrifften verthädigen / bes-
schützen vnd beschürmen / ja euch von aller Restitu-
tion. quitfren / ledig vnd loß sprechen / was begeret
ihr mehr? Vorzeiten haben ewers gleichen die Albin-
genes

genles gehabt zu solchen Patronen / wie S. Anton. quarta parte tit. vndecimo cap. 7. bezeuget/aber es hat ein kleine zeit gewehret. Den das Concilium Lateran. parte prima cap. 27. hat solche Lehren baldt auffgehebet. Seliger seyt ihr / dann ihr nun solche Patronen habt vber ganger 77. Jar / vnnnd zwar deren gar vil tausende.

Aber ich möchte gern wissen / mit was für einem Gewissen die Widertauffer solches lehren? Die ganze Christenheit braucht dise Regel. Non dimittitur peccatum nisi restituatur ablatum. Bey vns Catholischen wirdt kein solche Person vonn ihren Sünden loß gesprochen / es sey dann das sie zuvor das vnrecht Gut widergebe / oder auff das wenigste den willen has be zu widergeben. Aber die Widertauffer wollen alles zeit etwas neues haben.

Von der Widertauffer vermessenheit / vnd was sie von sich selber halten.

Titulus
XVIII.

Ob die Widertauffer H. Leut seyn?

Ja.

WIR bitten auch GOTT allezeit ohn vn-
terlassen trewlich mit grossen fleiß vnd ernst
für euch / ja alle Heyligen / die ganze H. Ge-
mein Gottes zu Auspitz Jacob Hutter in der Epis-
stel an die gefangne zu Hohenwart.

Ja cob ein vnwürdiger Diener Gottes / ein Apostel
vnseres Herrn Jesu Christi vnd seiner H. gemein. Ja-
cob Huter in der 1. Epist. an die gemeine Gottes inn
Währen. G ij Ich